

512 **G**awan von dem orse spranc.

dô het er manegen gedanc,
 wie daz ors sîn erbite.
 dem brunnen wonte ninder mite,
 5 dâ erz geheften möhte.
 er dâhte, ob daz töhte,
 daz siz ze behalten næme,
 ob im diu bete gezæme.
 »Ich sihe wol, wes ir angest hât«,
 10 sprach si. »diz ors mir stên hie lât;
 daz behalt ich, unz ir wider kumt.
 mîn dienst iu doch vil kleine vrunt.«
 Dô nam mîn hêr Gawan
 den zûgel von dem orse dan.
 15 er sprach: »nû habt mirz, vrouwe.«
 »bî tumpheit ich iuch schouwe«,
 sprach si, »wan dâ lac iwer hant,
 der grif sol mir sîn unbekant.«
 Dô sprach der minne gerende man:
 20 »vrouwe, ine greif nie vorne dran.«
 »nû, dâ wil ichz enpfâhen«,
 sprach si, »nû sult ir gâhen,
 und bringet mir balde mîn pfert;
 mîner reise ir sît mit iu gewert.«
 25 daz dûhte in vreudehaft gewin.
 dô gâht er balde vor ir hin
 über den stec zer porten in.
 dâ sach er manegen vrouwen schîn
 unt manegen rîter jungen,
 30 die tanzten unde sungên.

niemer *G (nur G)

daz erz *T (ohne O)

ob im daz *G *T

b. zæme. *T (ohne O) (I)

dienst iuch doch *G (nur GL)

dem ors sân. *G (nur GI)

»Nû wil *T (nur T)

ir gâhen. *T

nû br. *T (nur T) · balde mir mîn pf.; ↓*G (nur G) (V O)

mit (nu mit I) mir g. « *T (nur T) (I)

b. von ir (von ir balde O) *G (ohne I) *T

maniger *G (ohne I) (*T)

unde sprungen. *G (ohne L)

*D: D *m: m *G: G I L Z *T: T U V O

1 Initiale D m G L Z O 9 Majuskel D T 11 Initiale I 13 Majuskel D T 19 Majuskel D T 21 Majuskel T 25 Majuskel T

2 gedanc] danc *m 3 erbite] dâ erbit *m 5 möhte] mohte D 6 ob] ob ime *m · töhte] tohte D 12 mîn dienst iuch des kleine vrunt. « *m 17 si] si dan *m 19 minne gerende] minnebernde *m 23 vnde bringent min phert I 26 vor] von *m 28 sach er] sager D · manegen] maniger *m